

GRIMM
CULTURE

曾国藩全集

第一卷

〔清〕曾国藩 著

河北人民出版社

初名子城，字伯涵，号涤生，谥文正。
湘军的创立者和统帅。清朝战略家、政治家。
两江总督、直隶总督、武英殿大学士，封一等毅勇侯。

日记



曾国藩全集

日记

第一卷

〔清〕曾国藩 著



河北人民出版社

图书在版编目 (CIP) 数据

曾国藩全集. 日记 / (清) 曾国藩著. — 石家庄: 河北人民出版社, 2016.9
ISBN 978-7-202-11189-5

I. ①曾… II. ①曾… III. ①曾国藩 (1811 ~ 1872) — 全集
②曾国藩 (1811 ~ 1872) — 日记 IV. ① Z425.2 ② K827=52

中国版本图书馆 CIP 数据核字 (2016) 第 074321 号

书 名	曾国藩全集 日记 ZENG GUO FAN QUAN JI RI JI
著 者	[清]曾国藩

责任编辑	马 丽 张静中
美术编辑	李 欣
责任校对	付敬华
版式设计	俊书装
封面设计	Dh2o

出版发行	河北人民出版社 (石家庄市友谊北大街 330 号)
印 刷	山东泰安新华印务有限责任公司
开 本	787 毫米 × 1092 毫米 1/16
印 张	108
字 数	1 789 000
版 次	2016 年 9 月第 1 版 2016 年 9 月第 1 次印刷
印 数	1-5 000
书 号	ISBN 978-7-202-11189-5 / K · 1179
定 价	226.00 元

版权所有 翻印必究



日 记

道光十九年	1
正 月	2
二 月	6
三 月	10
四 月	14
五 月	18
六 月	22
七 月	26
八 月	30
九 月	34
十 月	38
十一月	42
十二月	46
道光二十年	49
正月至六月	50
七月至九月	54

十 月	55
十一月	56
十二月	61
道光二十一年	65
正 月	66
二 月	71
三 月	76
闰三月	81
四 月	86
五 月	91
六 月	96
七 月	98
八 月	104
九 月	109
十一月	113
十二月	118
道光二十二年	121
十 月	122
十一月	131
十二月	140
道光二十三年	149
正 月	150
二 月	157
三 月	164
四 月	170

六 月	172
七 月	176
九 月	178
十 月	180
十一月	184
道光二十四年	187
正 月	188
二 月	192
三 月	196
四 月	200
五 月	204
六 月	208
七 月	212
八 月	216
九 月	221
十 月	225
十一月	230
道光二十五年	235
正 月	236
二 月	241
咸丰八年	247
三月至四月	248
六 月	249
七 月	256
八 月	273

九 月	291
十 月	306
十一月	318
十二月	325
咸丰九年	333
正 月	334
二 月	341
三 月	350
四 月	359
五 月	366
六 月	373
七 月	380
八 月	386
九 月	395
十 月	403
十一月	410
十二月	419

日記

道光十九年

正 月

初一日

家居。季洪弟受风寒。夜写散馆卷一开半。

初二日 天阴

请客四席。夜写卷一开。

初三日 天阴雨

丹阁叔留舍。朱尧阶夜来。

初四日 阴

辰后,拜祖墓。午刻,朱嘯山来,王待聘妹夫来。作书邀刘冠群来舍。又作书寄霞仙。季洪弟自来痘。夜与尧阶、嘯山谈至天明。夜三更大雪。

初五日

大雪,自昨夜三更起,至本日酉刻止。午刻欧阳牧云来。

初六日 大晴

二妹之儿已刻死,儿生五十天。家中酬龙愿,同龙至添梓坪德六从祖家,申刻归。朱尧阶、嘯山辰刻归去。

初七日 晴

早,至德六从叔祖家,听剧一天,夜未归。

初八日 晴

祖大人寿辰，在添梓坪拜寿。巳刻，龙至柳衙叔家。申刻归。汪德庄来舍。

初九日 阴

早，至柳衙叔家，申刻归。陶村四叔来家，同饭柳衙叔家。

初十日 阴

早，至任尊叔家。饭后同龙至曾祖坟上，又至元吉公坟上。午饭宽五弟家。夜归。

十一日 大晴

早饮宽三从弟家。饭后同龙至祥坞从祖家。晚归。

十二日 晴

早饮祥坞从祖家。饭后同龙归。夜散龙。

十三日 晴

大姊家起龙至予家。邀彭百乘、寿七至舍，为楚善叔衡阳卖田事，予托百乘二人调停。是日家中客多，共十余席。朱尧阶专人来舍，约余于廿四走彼家，拟同当朱良二庄田。四妹议许字朱凤台之子，尧阶遣人送男庚来。夜作书复尧阶，不愿成当田事。又作书与朱嘯山，将四妹女庚发出。又作书复刘霞仙。论事甚详。睡时五鼓矣。

十四日 晴

饭后，家祖同龙至萧家冲。左凤阁来。江南五母舅来。夜作书与刘鲁岩。

十五日 晴、阴

左凤阁饭后归去。家祖归。朱尧阶申刻来，言终当成当田事。

十六日 晴

早饮姊婿家。饭后，走欧阳沧溟先生家，仆一人，肩舆八人。是日彼家二席。

十七日 晴

饭后由岳家走欧阳宗祠，共八席。夜宿阳祠。

十八日 阴

由欧阳宗祠走庙山家祠。夜宿洙石渡王家，家祖亦宿此。

十九日 晴

由王家至宗祠。

廿日 阴

在祠，走各处坟山扫墓。

廿一日 阴

在祠。祠内经管请外姓人吃酒，四十余席。夜大雨。

廿二日 阴

由祠内归，夜宿塘头湾，系家贵公后裔。

廿三日 晴

由塘头湾归家，申刻到。家中种痘者，满妹痘不好，甚危急。叔淳弟初发现，尚好；儿子未发热。夜着刘一、王荆七走刘冠群家，请医弟、妹。

廿四日 晴

在家。满妹痘又发小的，颇红，医人谓是子来救母，杂投人参、鹿胶。

廿五日 阴

昨夜儿子发热，本日现痘不甚多。发热必三日始现痘为佳，兹仅发热一夜，非吉报也。

前十七日面约廿六日至尧阶家，因家中种痘，光景不好，不能遽去。午刻遣人致书尧阶，约廿七日至彼家。夜大风。

廿六日 阴雨

满妹痘愈不好。儿子桢第痘稠密异常，啼哭不止。叔淳弟痘尚未灌浆。望刘冠群东屏来医，甚急，竟不见到。夜，风尤大。满妹抓破烂痘，面上血淋漓，实痛心也。

廿七日 大北风

是日备行李，将往尧阶家。肩輿十人，皆已收拾待发，以满妹及儿子痘症险逆，不忍行，迟至午刻始行。行半里许，遇刘东屏先生，因与同归。即作书遣人走尧阶家，言不复去。又作书与朱凤台，另订告庚日期。儿子痘愈益密，如聚粟满地，无复界限，色紫红。东屏举方要清热解毒，有西庄、犀角等药。夜，稍泻，哭稍止。夜深，大雪。

廿八日 大雪，寒甚

满妹痘愈险，痘不灌浆，不甚服药，一切饮食不入口，但喜嗽口，而人甚清醒。自昨日未时，咬牙战口，本日愈甚。夜，愈危，面上痘痂皆指爪抓破，面及颈皆烂，血渍被褥，淋漓不复可视，臭气薰蒸，其实惨极。二更后，余扶持儿子，不复去看满妹。儿子本日仍服昨日方，但去西庄。不复啼哭，渐昏弱，无生气，心知不可救药，犹冀幸万一。

廿九日 阴雨

辰刻，满妹死，余尚未起。时叔淳弟痘亦密，甚危。家中哭泣不敢出声，恐惊叔淳。满妹生于道光十年庚寅八月初八日辰时，至是生八岁零一百七十一天。满妹病，全赖澄侯调汤药，扶持床褥，余甚未尽手足之情。自廿三日，常服补剂人参、鹿胶，竟不能济，痛哉！是日买棺去五千钱，敛葬皆不从薄，葬于油麻冲。满妹临死，遍呼家中人，独不呼儿子桢第，知其危也。儿子是日服补剂，夜深始服高丽参汤。只以船小载重，医者刘东屏知其无济，余亦知其将死。是夜四更始睡，余与内人并不能寐。

二 月

初一日 早,雪

儿子痘色转白。昨夜泻二次,皆药也。饭后开方喂药,心知无补,尽情而已。已刻竟死。儿子生十七年丁酉十月初二日戌时,至是一岁零四月。自内子怀孕,未尝服药,生后至今,皆清吉。家祖尤钟爱异常,至是家祖殆难为情也。日晡时出葬,与满妹同穴。满妹与儿子,生时无片刻离身,至是皆以逆症夭亡,痛哉!夜,汪三与唐一来舍。

初二日 阴

叔淳弟痘渐落痂。

初三日 阴雨

昨日请刘东屏诊视家母。母亲积年多病,东屏谓服药数剂,必当大效。姑存此方于左:

代赭石^{四钱}_{生研末} 三光参二钱 抱木茯神四钱

白旋覆花三钱 元半夏三钱 生白芍二钱半

炙粉草一钱五分 河南枣二枚去核 干柿蒂七个

小麦米二钱 老生姜三钱引

初四日 阴雨

刘东屏归去。温甫弟伤风。

初五日 晴

写对联六付。酉刻，龚云亭、紫岩专人来，有书并贺仪钱四千，紫岩有诗四首。夜作书答云亭兄弟。

初六日 晴

温甫弟病未愈，请陈丰六开方，下半日又请王大诚开方。母亲在厨下跌至地，幸无伤损。前在衡阳，欧阳山托荐馆，余荐至葛中道家，本日作书付葛，催令下聘关。夜磨墨。

初七日 晴，大暖

温甫弟尚未愈，陈丰六又开方。彭宜人来。作《哭亡妹亡儿》辞。夜请医人尹光六来。

初八日 晴，大暖

温甫弟病愈。与尹光六下棋。申刻剃头。夜，家庙向无丁祭，陶村族叔议兴祭，每人捐谷二斗，祖命为记。是夜，为记约四千字。

初九日 晴，大暖

温甫弟大愈，尹光六去。欧阳楚一至舍。

初十日 晴，午刻雨，申刻大雨

王待聘妹夫来。午饮楚善叔家。

十一日 晴

辰初出门，由井字街走王子山，宿紫殿李恒四家。

十二日 早微雨，辰后阴

由李家走紫名桥、五里山、金蓬、姚家桥，夜至洲上朱太姻伯家。

十三日

早，阴。在朱家。夜，冷，大雨。

十四日 阴雨

在朱家。写扇、联、幅一天。

十五日 阴

在朱家。早起，写庚书，四妹许配朱良七爷子存一为室。日，朱家演戏。写联、幅，夜至三更。

十六日 早晴，晚雨

由大义太姻伯家至良二爷家，写联、幅。

十七日 阴

由良二爷家至梓门桥，路径金鸡寺、新庄大村，路大。

十八日 晴

在梓门桥与朱尧阶当朱良二田。是日踏田，地名大屋场洼门前虾公塘，共茅屋三座、瓦屋一座；筒车三座：一独占、一三分占一、一六分占五。旧佃彭明青、彭步端、简贤、玉书、易朝宗、彭开一皆踏清，在彭明青家吃酒。是日着屈二、萧三送钱叁拾千回家，并庚书、鞋样。

十九日 晴

在梓门桥饭后，走永丰分司吴咏斯署，又至书院。未刻回梓门桥。

廿日 晴

朱良二旧佃彭简贤阻新佃易朝宗耕，昨日有人和释，劝朱出钱三千。简贤已写退耕领信字，本日复强悍不服，辰后带上永丰分司处法禁。午饭后，由永丰起程，至走马街宿。

廿一日 晴

由走马街走刘杰田家，午刻到。杰田系霞仙叔。是日与霞仙会。家中着萧三、萧五来，有信。

廿二日 晴

至霞仙家。下棋数局。写对联。

廿三日 晴

寄衣在霞仙家计灰鼠袍套一付、大毛皮袍、皮马褂、单腿裤。托刘买茶叶并衣包送归。留家书在刘家。由刘家走大波曾姓。

廿四日 晴,大热

至曾楚兴家系大波房。午正,由大波房至田家湾。

廿五日 晴,大热

辰后写对联。午饭后,由田家湾至金家湾。彭景三来,接家信,又接金竺虔京信及金年伯信并勤七信。本拟由金家湾走成忍斋家,因闻成忍斋已走省,故拟由金家湾走江母舅家,下县去。

廿六日 雨

辰后写对联。留金家湾。早,遣彭景三由江母舅家下县。夜写对联。

廿七日 阴、晴

辰后由金家湾至彭廉轩家地名石上。

廿八日 晴

辰后写对联。午后至彭寿亭家,仍归宿廉轩家。

廿九日 小雨

由彭廉轩家十里、羊古幽十里、大风垵十里、扶木亭十五里、测水五里、街埠头十里,至江维世外祖家。

卅日 晴

上半年写对联。午后走通十母舅家。

三 月

初一日 晴,大热

早饮极三家,冕四、冕十、南九三房为东。午饮,冠九兄弟为东。上半夭写对联。夜作家书,拟明早着二人归。

初二日 晴,大热

早饮通十、南五二母舅家。辰后,走上山田江家老屋挂匾。夜宿豫章十五母舅家。

初三日 晴,大热

早饭豫章母舅家。午饭彭家冲河润外祖家。夜宿彭家冲。朱尧阶、龚云亭并有信来,言彭明青事,余作书回复。

初四日 晴

大热,仅可着单衣。饭后至乔麦田孝六外祖家。下半夭写字。彭四、廖兆佳自家来,家严有手示,言家中彭人盗柴事。澄侯有信,言今年用功课。欧阳沧溟先生有信,言黄蓉浦求写树德堂跋。昨日朱尧阶信内有呈官词二纸,要托在县告状。余回信言此刻县考,余宜回避,待考试后再告。昨夜打牌未睡。初四夜雷。

初五

早,大雨。饭后至戴家冲。午饭后走鱼塘曾星耀家。夜复大雨。